



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-314-4/22**
Datum: **01.09.2022. godine**

„Agencija za vodno područje rijeke Save“ Sarajevo rješavajući po zahtjevu pravnog lica „LOLO“ d.o.o. Sarajevo za donošenje rješenja o vodnoj dozvoli za aktivnost ispuštanja oborinskih onečišćenih voda u prirodni recipijent i aktivnost koja može privremeno ili trajno degradirati kvalitet voda, ili ometati poboljšanje njihovog postojećeg kvaliteta na lokaciji autootpada „LOLO“, izgrađenog u ulici Avde Palića broj 1, općina Novi Grad Sarajevo, na osnovu člana 109. stav (1) tačka 3. i stav (2) tačka 1. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu „LOLO“ d.o.o. Sarajevo daje se vodna dozvola za aktivnost ispuštanja oborinskih onečišćenih voda u prirodni recipijent i aktivnost koja može privremeno ili trajno degradirati kvalitet voda, ili ometati poboljšanje njihovog postojećeg kvaliteta na lokaciji autootpada „LOLO“, izgrađenog na zemljištu označenom kao k.č. broj 1371 K.O. Crnotina (zk stanje), što odgovara k.č. broj 221 K.O. Rajlovac (katastarsko stanje), općina Novi Grad, Sarajevo.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije, izvršenog uviđaja na lokaciji objekta i pod slijedećim uslovima:
 - 3.1. Da odgovorno vodi proces demontaže sklopova, podsklopova i dijelova putničkih rabljenih vozila, kako bi se smanjila količina ispuštenih ostataka ulja, antifrizi i dr. opasnog otpada.
 - 3.2. Da proces demontaže sklopova, podsklopova i dijelova putničkih rabljenih vozila vrši isključivo na površini čija je podloga (pod) urađena od nepropusnog materijala sa kanalicom, koja prihvata ispuštena ulja i maziva i odvodi ih u vodonepropusni šaht, u kojem je postavljena plastična posuda u koju se prikupljaju.
 - 3.3. Da se rabljena ulja, emulzije i drugi tečni otpadskladište u odgovarajućim posudama u namjenskoj prostoriji i na odgovarajući način, u cilju sprječavanja nekontrolisanog rasipanja sadržaja na okolni teren.
 - 3.4. Plastične posude za prihvrat opasnog otpada (hidraulička ulja, masti za podmazivanje, sredstva za čišćenje i dr.) ne smiju se ni privremeno odlagati na česticu „vodno dobro“, odnosno u vodotoke i na njegove obale.
 - 3.5. Da se oborinske onečišćene vode sa radnih i manipulativnih površina prikupljaju sistemom slivnika sa slivnom rešetkom i kanizacionom mrežom odvede do separatora ulja i naftnih derivata, te preko okna za monitoring odvedu do ispusta u upojni bunar.
 - 3.6. Da se poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent, zadovolje granične vrijednosti emisije definisane članom 14. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20 i 96/20).
 - 3.7. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati ovlaštene laboratorije i sadržini i načinu izdavanja ovlaštenja („Službene novine Federacije BiH“, broj 14/10, 14/3, 26/14, 15/17, 23/17 i 41/20), vršiti redovna ispitivanja kvaliteta otpadnih voda, uzimanjem uzorka efluenta iz kontrolnog okna, u skladu sa Uredbom o uslovima ispuštanja otpadnih voda u okoliš i sisteme javne kanalizacije.

- 3.8. Da je korisnik poslovnog objekta u obavezi da izgrađene objekte, a čija svrha je odvođenje i prečišćavanje onečišćenih voda, redovno održava i koristi na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta.
 - 3.9. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, prosipanja motornog ulja, kako bi se spriječilo moguće onečišćenje voda i tla (materijal za upijanje: piljevina, prikladni adsorbensi, odgovarajuće posude, uređaji za pretakanje i sl.).
 - 3.10. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo istjecanje i rasipanje opasnih i štetnih materija na tlo i u vode).
 - 3.11. Da se pražnjenje, odvoz i konačno zbrinjavanje svog opasnog otpada sa predmetne lokacije vrši od strane firme ovlaštene za tu vrstu djelatnosti, prema sklopljenom ugovoru i o tome voditi evidenciju.
 - 3.12. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloni, a nastale štete nadoknadi.
 - 3.13. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda. tabele, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove vodne dozvole, pravno lice, odnosno korisnik objekta je dužan provoditi sve mjere i aktivnosti propisane istom.
 6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
 7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
 10. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.
 11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice „LOLO“ d.o.o. Sarajevo obratio se ovoj Agenciji sa zahtjevom za aktivnost ispuštanja oborinskih onečišćenih voda u prirodni recipijent i aktivnost koja može privremeno ili trajno degradirati kvalitet voda, ili ometati poboljšanje njihovog postojećeg kvaliteta na lokaciji autootpada „LOLO“, izgrađenog na zemljištu označenom kao k.č. broj 1371 K.O. Crnotina (zk stanje), što odgovara k.č. broj 221 K.O. Rajlovac (katastarsko stanje), općina Novi Grad, Sarajevo.

U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

- Ovjereni kopiji Rješenja o izmjenama podataka u sudski registar Općinskog suda u Sarajevu, broj: 065-0-Reg-12-000628 dana 10.02.2012. godine;
- Ovjereni kopiji Uvjerena o poreznoj registraciji donesenog od strane Porezne uprave - Kantonalni porezni ured Sarajevo dana 27.03.2012. godine;
- Ovjereni kopiji Uvjerena o registraciji/upisu u Jedinstveni registar obveznika indirektnih poreza, broj: 04/1-17-1-35-190-17/12 dana 28.03.2012. godine izdatog od strane Uprave za indirektno-neizravno oporezivanje Banja Luka;
- Kopija Obavještenja o razvrstavanju pravnog lica prema klasifikaciji djelatnosti donesenog od strane Službe za statistiku za područje Kantona Sarajevo, broj: 07-32.5-20850/12 dana 19.03.2012. godine;
- Kopija Zemljišnoknjižnog izvodka;
- Kopija katastarskog plana;
- Kopija Ugovora o ustupanju zemljišta na korištenje zaključenog dana 31.07.2017. godine;
- Kopija Ugovora o zakupu zemljišta zaključenog dana 01.02.2022. godine sa zakupodavcem Krajišnik Branko;
- Kopija Rješenja o vodnoj dozvoli broj: UP-I/25-3-40-434-3/17 od 18.07.2017. godine donesenog od strane Agencije za vodno područje rijeke Save Sarajevo;
- Kopija ugovora sklopljenog sa „AIDA COMMERCE“ d.o.o. Sarajevo o zbrinjavanju opasnog otpada sa lokacije Naručioća i čišćenje separatora;
- Kopija Ugovora o otkupu otpada svih vrsta metala, otpadnih akumulatora i sl. otpada, sklopljenog sa „MODERNIZACIJA“ d.o.o. Gradačac;
- Dokaz o uplaćenju upravnoj pristojbi i administrativnoj taksi.

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 4. iz starog Rješenja o vodnoj dozvoli (broj: UP-I/25-3-40-434-3/17 od 18.07.2017. godine godine) zatraženo je očitovanje Službe za prikupljanje prihoda od vodnih naknada ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva.

Na osnovu očitovanja Službe za prikupljanje prihoda od vodnih naknada od 27.06.2022. godine konstatovano je da podnosilac zahtjeva «LOLO» d.o.o. Sarajevo redovno izmiruje svoje obaveze uplate posebnih vodnih naknada.

Nakon pregleda dostavljene dokumentacije, u skladu sa odredbama člana 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22) izvršen je obilazak predmetne lokacije i tom prilikom je sačinjen zapisnik o uviđaju broj: UP-1/21-3-40-314-2/22 dana 30.08.2022. godine.

Na osnovu dokumentacije dostavljene uz zahtjev i izvršenog uviđaja na predmetnoj lokaciji utvrđeno je slijedeće:

Na predmetnom lokalitetu nalazi se autootpad „LOLO“ u sklopu kojeg se nalaze: kancelarijski prostor, prostor za demontažu sklopova, polusklopova i dijelova putničkih rabljenih vozila, zatvoreni kontejneri za skladištenje, nenatkriveni prostor za skladištenje, kontejneri za otpad.

Demontaža sklopova, podsklopova i dijelova putničkih rabljenih vozila se vrši na djelomično natkrivenoj površini, čija podloga je urađena od nepropusnog materijala sa kanalicom za prihvatanje eventualno prosutih ulja, maziva i emulzija koji se odvođe u vodonepropusni šaht u kojem je smještena plastična posuda u koju se slijevaju ostaci fluida.

Skladištenje sklopova, podsklopova i dijelova putničkih rabljenih vozila (motori, mjenjači, amortizeri, hladnjaci, kočioni sistemi, akumulatori i sl.) iz koji bi eventualno došlo do curenja ulja, maziva i kiselina se vrši u plastičnim spremnicima. Skladištenje rabljenih motornih ulja se vrši u metalnu burad smještenu u tankvane adekvatne zapremine, do konačnog zbrinjavanja. Skladištenje dijelova rabljenih vozila koji ne sadrže zagađenja od nafte i naftnih derivata, akumulatorsku kiselinu, sredstva protiv smrzavanja i sl. vrši se na otvorenoj površini u stalažama. Za unutrašnji transport u krugu lokacije koriste se viljuškar i paletar.

Oborinske onečišćene vode sa radnih i manipulativnih površina se prikupljaju putem slivnika, odvođe do separatora ulja i masti, a zatim preko okna za monitoring upuštaju u upojni bunar.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom, u tački 3. dispozitiva rješenja, propisani uslovi u skladu sa odredbama članova 53. i 116. Zakona o vodama, člana 12. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i člana 14. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva ispunio minimum uslova za izdavanje vodne dozvole za aktivnost ispuštanja oborinskih onečišćenih voda i aktivnost koja može privremeno ili trajno degradirati kvalitet voda, ili ometati poboljšanje njihovog postojećeg kvaliteta na predmetnoj lokaciji, te je riješeno kao u dispozitivu ovog Rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarifi federalnih upravnih pristojbi („Službene novine Federacije BiH“, broj 06/98, 8/00, 45/10 i 43/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdrob, dipl.ing.građ.

**Po ovlaštenju
Rukovodilac sektora za izdavanje
vodnih akata**


Haris Ališehović, dipl.ing.građ.

Dostaviti:

- „LOLO“ d.o.o. Sarajevo, Avde Palića broj 1, 71000 Sarajevo
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava